

**FRANC. ERN.
BRUCKMANNI, MED.
DOCT. ACAD. CÆSAR.
NAT. CUR. ET SOC.
REG. PRUSS...**

Franz Ernst Bruckmann



FR. ERNESTI BRVCKMANNI,
 PHILOS. ET MEDIC. DOCT. ACAD. CÆS. NAT. CVR. ET
 SOC. REG. PRVSS. MEMBR. NEC NON
 POLIATRI WOLFF.

EPISTOLA ITINERARIA LVII.
SISTENS

SCIAGRAPHIAM
 MVSEI BRVCKMANNIANI

AD
PRÆNOBILISSIMVM, CLARISSIMVM
ATQVE DOCTISSIMVM,
DOMINVM,


DOMINVM

JOH. WILH.

KRETSCHMANN,

MEDIC. LICENTIAT. CELEBERRIMVM, PHYSICVM
 PROVINCIALEM ET CONSVLEM, CV-
 RIEVSEM PRÆSTANTISSIMVM,
 CONSVLTISSIMVM.

WOLFFENB. MDCCXXXVII.



*VIR PRÆNOBILISSIME ATQVE
DOCTISSIME,*

**FAVOR MAXIME
COLENDE!**

Honorificam *Tuam* compellationem, qua do-
mum meam Menſe Febr. a. c. benevolens or-
naſti, gratiſſimo pectore, *Vir Prænobiliſſime*,
iterum atque iterum cum animo meo recordor,
ſimulque haud immemor vivo petitionis *Tuæ* amiciffimæ,
nempe ut *Tecum* communicarem iſtum ordinem, in
quem naturalia muſei mei collocaviſſem. His *Tuis* deſide-
riis jam dudum, niſi temporis penuria praxisque me-
dica hoc vere primo, quo affectus varii morboſi apud
nos hiſce in regionibus frequentes ſatis fuerunt, impedi-
mento fuiſſent, occuſſiſſem. Avocamenta autem hæc
legitima in malam partem noli rapere. Pronunc vero,
mihi mediocriter redditus, petitioni *Tuæ* ex aſſe, conci-
ſe tamen, ſatiſfaciam.

X 2

Muſeum

Museum nostrum duo præcipue habet capita: prius rerum naturalium suppellectilem polydædalam & eximia nonnulla naturæ ludentis opera, in animi oculique curiosi gratam oblectationem; tanquam testes potentia & sapientiæ divinæ præstantissimos, exhibet; posterius vero res varias artificiales offert.

Prius dividitur (I.) in rariora ex Regno naturæ vegetabili desumpta, & sequentes habet sectiones, quarum prima semina & nucleos præbet plus quam quingenta. In his nominatim videnda Pisum cordatum & mirabile, majus & minus, rotundum, seu semen Vesicariæ pisi-forme, nigrum, cordis albi figura signatum. Daturæ veræ semen in India natum, Belgice Dutter, Dutra, Dull dictum, quod istius usus insanos reddat homines. Daturæ Hungariæ grana. Siligo & Triticum, quod Argentorati aliquando, instar pluviae, coelo ex nubibus delapsum dicitur. Triticum plurimum aristatum. Sem. Natragulæ seu Nadragulæ ex arduis Carpathum Hungariæ jugis, de quo conf. Matth. Bellii prod. Hist. Hungar. Nov. antiquæ, quod, me iudice, salvis tamen aliorum iudiciis, cum sem. Belladonnæ convenit, & forsitan idem erit? Avena Turcica, Rhabarbari veri sem. Pseudo-Oryza. Arista Oryzæ ex Oriente. Sem. Lini cathartici ex Anglia, Purgier, Glachs, Saamen. Myrrhis Bloxbergenfis. Lopock Hungaricum. Lacrymæ Jobi, ex quibus Romanæ fidei additi Rosaria, Pater noster dicta, compilant. Noces fructus Limbaum ex mont. Carpath. Sem. Hondelette. Kali spinosum, Eryngium marinum speciosum, Kakile marinum ex albo-viridescens, Baccæ albæ Sambuci, Ossacerasi pumili Hungarici, Wald-Birshen. Pisum Americanum coccineum, Abrus, Conduri, Saga & Dambas dictum, variae magnitudinis, proprie est phaseolus alatus,

tus, h. e. foliis pinnatis seu ciceris, fructu eleganti coccineo macula nigra notato. Circumforanei fraudulentissimi in Germania hæc semina admodum inepte pro granis Paradisi venditant. Eadem grana parva & brunna, macula nigra. Gramen dactylon esculentum Indicum spica articulata Zanon. Phaeolus Ægyptiacus, Lablab dictus, semine nigro, item spadiceo, Alpini. Faba jocosæ seu juccosæ, Mucunæ seu urticæ Indicæ fructus, phaeolus siliqua deurente, Malabarice: Sedan Pottor, *Knuffels*, *Bohne*, *brennende Bohne*; hujus capsula flavis subtilibus villis, qui, quando cutim attingunt, instar urticæ mordent istamque rubefaciunt, undique testæ. Fructus Theæ ex India. Milii Indici semina, ex cujus stramine scopæ ad purgandum parantur, Avena pilosæ seu Ægilops aristis recurvis quorundam, *Barb. Haber*, a barba pilosæ; loco hygrometri inservit. Lotus echinatus Clusii. Phaseolorum vulgarium siliquæ connatæ. Sego, Sago seu semen arboris Sago, figura quidem grana cujusdam plantæ refert, an vero naturale quid? an vero artefactum? non recte constat. Perhibent adduci ad nos ex Italia, sed ex Anglia venit. Hæc grana, quando cum aliis cibis coquantur, tumida fiunt, præmollia & gelatinosa, sperma tunc ranarum plenarie mentiuntur. Cum lacte vaccino cocta, instar oryzae vel milii, delicatum certe, saluberrimum & maxime nutritivum dant alimentum, præcipue istis, ex longa corporis valetudine recreandis. Apud nos sunt merces aromatatariorum, qui libram pro floreno vendunt. Indi dicuntur adhibere ista in cibis & panem, in variis museis in Europa videndum, ex istis parare. Sunt, qui putant esse medullam arboris Sagu, minime semen, sed, mejudice, videntur esse ovula piscium exsiccata. Pisum subterraneum, *Erbsen*, seu Lathyrus ἀμφι-

καρπός seu supra infraque terram siliquis cum pilis gerens Moris. H. 2. Arachidua Botanicis, fructum forma, magnitudine & colore pisorum vulgarium supra, infraque terram ad radices edens, ex Syria, &c.

Secunda in medium profert fructus, ex his nominare placet glandes Quercus Hungar. calyce crispo; it. Hierosolymitanas; fructum Larycis Hung. Fr. Daturæ Persicæ veræ echinatum, semine brunno. Fabas St. Ignatii, saporis intensius amaricantis. Anacardium reniforme seu Occidentale, Acájou seu Cajou dictum. Hic recensentus & panis Dactylorum, Dattel, Brod, quem Africani ex dactylis non exossatis, sed tantum contusis parant, dum pulpam cum ossibus in corium animalium, non subactum, firmiter & compacte inforciunt, ita, ut pars corii pilosa extraversa, sit instar crustæ panis. Talem integrum panem Maroccanorum delegati ante aliquot annos *Glorios. memor. Regi Magnæ Britannia, Georgio I.* dono dederunt, ex quo portionem quandam incisam accepimus. Sapore dulci dactylos refert, ex carne quassata & compressa dactylorum, in qua hinc inde ossa integra latent, membranæ animalis ejusdam, lixivii non macerata, extus pilis albis obfita, impacta constat. Hæc massa, ut videtur, igne in furno non est cocta. Mora paucorum annorum hunc panem plane destruit, nam abit in pulverem & vermiculos pulverulentos, *Milsen* appellatos. Gallas Nitrienses Hungaricas, caryophyllos aromaticos figura exhibentes. Phaseolum Indicum majorem, spadicei coloris, cum fascia nigra. Phaseolum maximum Divi Thomæ, reniformem, *See, Bohne*, ex quo excavato Indi capsulas pro pulvere Tabacino parant. Pomum Colocynthis integrum & maximum cum cortice & pedi-

pediculo seu Cucurbitam amaram. Fr. Kekum, Kekom-ette. Fr. Hondellæ, Hondelle-ette. Fr. Arboris Cinnamomi. Sem. Cupressi Americanæ Catesb. Hist. Nat. Carolin. p. 14. Tab. II. ex Curazou; multum distat a vulgari, odoris admodum suavis. Piper Æthiopicum nigrum seu piper Nigrorum Serapionis, *Moren* : *Pfeffer*; refert sarciminula parva nigra fumo indurata. Piper Æthiopicum scopas referens. Nuces Behen. Fr. arboris laniferæ Javenfis ex Insula Java, Fructus Argyroden^{dr} scolymocephali duas species. Fr. arboris Coral Clusii seu Coralloden^{dr} American. spinos. flore ruberrimo. Thecam ficoidem Meleguette; est Cardamomi species omnium maxima & conditorium granorum Paradisi. Lobos integros & recentes Vainigliarum, odoris gratissimi balsamici, de Berbice ex America, anno superiori, 1736. saltim decerptos. Conos arboris *Limbaum* cum suis nucibus ex jugis Carpath. Conos larycis ex Hung. Conum Pinus lativæ, sine nucibus, divaricatum. Caryophyllos regios e filo duplicato suspensos, &c.

Tertia aromata omnibus nota; quarta radices monstrat, & quinta ligna, ex his recensentum : Rhodolignum seu Aspalathus albicans Torulo Citrino Casp. Bauh. Pinax. quibusdam Agallochum seu Olea Æthiopica Cordi. Aspalathi ligni varia genera. Agallochum spurium ceylanicum, admodum durum & resinosum. Lign. Camphoræ verum arboris Camphoriferæ Jacob. Breynii, odore optimam Camphoram referens. Lamella ligni Cedri inodori. Achallochum selectissimum Calambac. dictum. L. stercorinum seu foetidum Olai Wormii, odore singulari excrementa humana referens, ex arbore Ligne Merde, *Dreck* : *Holz*, Javæ majoris Indiæ Oriental. desumptum. L. dictum saccharinum vel

vel Coabæ Olai Wormii, Belgis Suykerkisten - hout, admodum durum, sed absque odore. L. Arbuti. L. arboris Sumach. L. Carobaccinum. L. arboris Judæ. L. Mastichis. L. Colubrinum. Scipiones duo ex arbore Coffe. L. cetri. vel potius Juniperi Bormundiani. L. Coral. L. ferreum. L. Krumholz ex carpatho, &c.

Sexta in medium profert *fungos viscosos, Agaricos, Lichenes*; adsunt Fungus seminis calici formis Menzellii seu Fungoides infundibuli forma semine scetum Tournefort. 560. Est congeries minutorum fungulorum pileatorum, qui intra fungulum calici formem nascuntur, singuli in suis pediculis. confer. Ruppil Flora Jenensis p. 374. Fungus penem referens; an sit Priapus vegetabilis, Zeylan. Bandura, qualis in ambulacro Horti academici Lugduno - Batavi videndus? Tuberæ terræ ex Comitatu Liptoviensi Hung. Jeleny Huby, *Hirsch*, *Schwamm*, Slavis ibi dicta. Fungus ramosus luteus, cornua Damæ referens, Germ. *Ziegenbart*. F. Hypoxylon digitatus. Lichen capitulis coccineis ex Sylva Thuring. rusticis, qui istum ad febres intermitt. curandas adhibent, *Sieber*, *Schwamm* dictus. Lignum solis, *Sonnen Holz*, est species Visci arborei, ex quo Viennæ Aust. corallia pro rosariis tornant, ita dictum, quod in singulis globulis tornatis binorum solum radiatorum signatura evidenter videnda. Lichen petreus instar acetabuli vel oculi cancri excavatos minimus fungoidi Tournefortii affinis, ex monte Insulanq Thuring. F. ligneus digitatus cum apicibus albis Oshabr. Agaricus arboreus coccineus, similis plantæ illi, quam Menzelius in pugillo vocavit fungos minimos incarnati coloris musco innatos. Est Agaricus, quantum constat, nondum descriptus, Lichen petreus leprosus, veluti erectaceus, &c.

Septima

Septima cortices & putamina continet, nempe Corticem Winteranum seu Magellanicum, Magellanicum; Cassiam ligneam veram, quæ est Cancellæ Malabaricæ species, &c.

Octava Herbas & Folia recenset, & præter Herbarium vivum, considerandum offert folia & ramos palmæ Dactyliferæ, arundinem sacchariferam, arborem Cinnamomi cum ramusculis, & radice. Quercus marinæ varias species; algas marinas, Alipp, Braut; Algam sacchariferam; plantas marinas retiformes; Keratophyta marina; vegetabilia aliquot marina Cadvico-Nordvikiana, ex Oceano vel Mari Britannico. Tamariscum marinam; Cupressum marinam. Ramulos arboris Camphoriferæ. Hieracium myophoron. Salicem Orientalem Davidis; Semen Palmæ masculinum botryoides, &c.

Nona sectio Flores; & decima Gummata & Resinæ enumerat; in his præcipue miratur Gummi aureum crispum, instar macis, ex cortice Fagi eleganter protulsum. Camphora ex radice Cinnamomi. Pancopal. Gum. Guajacum nativum. Gum. dictum kikekunemalo seu Guequenemale; est species quædam, me iudice, Gummi Copal albi, &c.

Decima visui offert olea vegetabilium, Balsama nativa & reliqua Regni vegetabilis corpora, inpr. oleum Brumholz, Oehl, Kosodrevini Oley, Koszo drewini Oley dictum, ex mont. Carpath. Oleum Limbaum Oehl dictum, ex iisdem jugis. Balsamum de Tolu secum in cucurbita. Balsamum verum Orientale. Bals. Ranckysiri de Berbice ex America 1736. transmissum. Balsamum Rackasiri, qui in Europam in cucurbitis, uti Tolutanus in Calebassis seu Cabassis, deferitur, præcipue laudatur in vulneribus sinuosis & fistulis, proximo quo.

quoque ad Myrrham accedit, & multum gummosi in se continet, quod clarum sit & videndum, quando istum cum alcohol vini solvere tentamus. Hujus concreti exactam descriptionem nemo hactenus, quantum scio, dedit, saltem in catalogis Drogistarum titulotenus adductum. Balsamum Syracis. Bals. dictum Americanum rubrum, quod nobis fictitium esse videtur, & quidem ob causam, qua Terebinthinam admodum redolet. Sal ex herba Kali, & Cœruleum optimi coloris ex isto sale, a D. Doct. Henckelio ante aliquot annos Freibergæ inventum, nobiscum benevole communicatum; de quo confer. ejusd. Flora Saturnizans. *Ceram viridem*, Novæboraci (New-York) excoctam ex Myrto Brabanticæ simili Caroliniensi baccata, fructu racemoso, sessili, monoppyreno Pluknet. Almag. Plantæ hujus elegantissimam iconem dedit Dom. Catesby in Hist. Nat. Carol. Vol. I. Tab. 69. ubi & in descriptione modum excoquendi oleum tradit. De hac cera, cum nullus unquam quid meditatus fuerit, plura Tecum ex literis celeberr. atque Doctiss. Lugdunensium Botanici, D. Doct. Joh. Frid. Gronovii, die IX. Mart. a. c. cum cera & candela ex ista confecta ad me missis, communicare lubet; verum admodum succincte. Est massa pinguis, quæ post coctionem aquæ supernatat, & ea refrigerata, in spissitudinem ceræ, optimi viridis coloris, induratur. Tactu saponem Hierichunticum & Terram Lemniam refert, quam & sapore quoque. Gustu minime insuavis est. Odore aromaticum se offert. In Carolina, Virginia, Marylandia & Novæboraco modo inservit ad conficiendas candelas, de quibus mox. Vir Doctiss. in Galliis nuper fragmentum misit ad Dom. Gaubium, quod vix drachmam æquabat; an forte eam de albandi methodum excogitare posset, de quo successu valde dubitat laudatus Gronovius, quippe cum ipsi copia suppeteret (globum enim

enim 50. librarum accepit) variis in locis, quæ ceræ flavæ dealbandæ inserviunt, istam operationem inutiliter tentari curavit. In Angliam hanc ceram ajunt, pœna capitis prohiberi, quum Societas Turcica inde multum damni pateretur, utpote cui soli Turcicam inferre licet ceram. A vulgari cera non differt multum, nisi oleo & butyro, quod ex sequentibus experimentis celeberr. D. Gronovii innotescit:

a) Ex Drachm. III. in retortam vitream, puram & siccissimam, immisiss, ope leni arenæ destillavit in excipulum aqua lactea (paucissima tamen copia) quæ odore non ita ingrata nares ferit, ac aqua, quæ solet ex cera vulgari flava prodire.

b) Igne magis aucta Butyrum conquirebatur albissimum, longe durius, quam ceræ vulgaris, ac odore empyreumatico multum superans; majori quoque egebat igne.

c) Igne arenæ in summum tandem aucto, pergebat modo dicto destillare, obstruens sæpe retortæ collum. Hoc ultimum butyrum colore & consistentia non multum differebat a primo.

d) Solutis vasis in fundo retortæ vix restabat Drachm. I. capitis mortui.

e) Iterata destillatione ex recentibus vasis nullum fere apparebat oleum, sed tota quanta in forma butyri iterum transillabat: albissimi, æque duri ac prioris. Concludit. Apes itaque parum admodum, quin imo nihil, conducunt ad ceram; solummodo sunt fures optimi succi florum in nectario collecti. Candelas ex ista cera, addendo æqualem partem sevi ovilli depurati, confici curavit. Americani quinquaginta libris adjiciunt duas uncias pigmenti istius, quod Indigo vocatur. Idem quoque plan-

plantam, quæ fructus istos præbet, vocant *Candleberry*, *myrtle*, quasi dicas *Myrtum*, quæ profert baccas, candelarum usum præstantes. Paulo largius de hac cera *Tecum* agere volui, quum res plane sit nova & exactiori examine digna. Forte & ipse velles experimenta quædam instituere, hinc adjecti dimidiam frustuli, quod a D. Gronovio accepi, partem. Hac quoque cera viridi vegetabili, non animali, loco sigilli, hanc in præsentem ob-
ligno epistolam, & reliqua musei rariora in sequentem reservo. Te autem, *Vir Pranobilissime atque Consultissime*, tutelæ divinæ commendo, me vero *Tuo* favori, qui sum & manco

Nobilissime Nominis Tui

Wolff. d. 9.
Maji 1737.

cultor observantissimus

Br. D.



MS 94 8282

